

白石道人詩集

集外詩
附錄
補遺

南湖

集附錄（一）



台灣現代人神道研究
謝明憲著

二〇〇

南湖集
附錄

一

張
鉉
撰

中
華
書
局

南

湖

集

附錄

二

張
鎡
撰

中
華
書
局

叢書集成初編

白石道人詩集（及其他一種）二冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據知不足齋叢
書本排印初編各
叢書僅有此本

約齋南湖集序

初子因里中屠德璘談。循王之曾孫約齋子。有能詩聲。予固心慕之。然猶以爲貴公子。未敢卽也。旣而訪陸務觀於西湖之上。適約齋子在焉。則深目顰蹙。寒眉顰膝。坐於一草堂之下。而其意若在巖壑雲月之外者。蓋非貴公子也。始恨識之之晚。旣而又從尤延之。京仲遠。過其所居曰桂隱者。於是盡出其平生之詩。蓋詩之癩。又甚於其貌之癩也。大抵祖黃陳。自徐蘇而下。不論也。延之仲遠退而深嘉之。予笑而不言。二君曰。子奚笑約齋子。予曰。彼其先王翼真主。以再造王家。大忠高勳。寒兩儀而貫三光。爲之子若孫者。謂宜掉馬箠。鳴孤劍。略中原以還天子。若夫面有敲推之容。而吻秋蟲之聲。與陰何郊島先登優入於飢凍窮愁之域。此我輩寒士事也。顧汲汲於此。而於彼乎悠悠爾。此予之所以笑約齋子也。二君曰。子之笑約齋子。祇所以嘉約齋子歟。予出守高安。約齋子寄其詩千餘篇曰南湖集。且諗予序之。乃書其說於篇首云。約齋子張氏名熾。字功父。淳熙己酉四月庚辰。誠齋野客。廬陵楊萬里序。

右序從楊文節公誠齋集第八十一卷錄補。乾隆丁未正月初十日。鮑廷博記。

題詞

讀張功父南湖集 井序

方回 萬里

詩至于老杜而集大成。陳子昂、沈佺期、宋之問律體沿而下之。亂之極。莫如玉溪以至西崑。工之極。莫如唐季以至九僧。三百五篇有麗者。有工者。初非有意於麗與工也。風賦比興。情緣事起云耳。而麗之極。工之極。非所以言詩也。謂如老杜七言律詩。魚吹細浪搖歌扇。燕蹴飛花落舞筵。自去自來堂上燕。相親相近水中鷗。林花著雨胭脂落。水荇牽風翠帶長。風含翠篠娟娟靜。雨裊紅蕖冉冉香。學者能學此句。未足爲雄。撲棗詩云。不爲困窮寧有此。祇緣恐懼轉須親。憶梅詩云。幸不折來傷歲暮。若爲看去亂鄉愁。春榮詩云。巫峽寒江那對眼。杜陵野老不勝悲。送僧詩云。念我能書數字至。將詩不必萬人傳。此等詩不麗不工。瘦硬枯勁。一幹萬鈞。惟山谷後山簡齋得此活法。又各以其數萬卷之心胸氣力。鼓舞跳盪。初學晚生。不深於詩而驟讀之。則不見奧妙。不知雋永。乃獨喜許丁卯體。作偶儷嫵媚態。予平生不然之。而江河友朋。未易以口舌爭也。乾淳以來。稱尤楊范陸。而蕭千巖。東夫。姜梅山。邦傑。張南湖。功父。亦相伯仲。梁溪之嬌淡細潤。誠齋之飛動馳擲。石湖之典雅標致。放翁之豪蕩豐腴。各擅一長。千巖格高而意苦。梅山律熟而語新。南湖生於紹興癸酉。循忠烈王之曾孫。近得其前集二十五卷。三千餘首。嘉定庚午自序。蓋所謂得活法於誠齋者。生長於富貴之門。輦轂

之下。而詩不尙麗。亦不務工。洪景廬謂功父深目。而予謂其詩亦猶其爲人也。溪清花鴨聚。岸綠草蟲多。燕子初歸。曾識而牡丹未放。已知名。不知何人以朱筆加點。專取此等句。予亦謂不然。且如人生守定梅花死。此句殊佳。何人輒用朱筆圈改。予竊謂朱筆之人。未得所謂正法眼藏也。功父預謀誅韓而史忌之。韓旣誅。卽有桐川之謫。後得歸。坐前憾謫死象臺。天下冤之。言官程松嘗論功父。謂將家子強吟小詩。此乃刻薄無忌憚之言。不足與較。其詩活法妙處。予未能盡舉。當續書之。今且題八句以寄予心。

生長勳門富貴中。糝糠將相以詩雄。端能活法參誠叟。更覺豪才類放翁。舉似今人誰肯信。元來妙處不全工。登金組繡同時客。合向南湖立下風。

功父盡交一世名彥。詩集可攷。然南渡以來。精於四六。而顯者詩。輒凝滯不足觀。駢語橫於胸中。無活法故也。然則紹聖詞科。誤天下士多矣。

刻南湖集緣起

南湖集宋循王曾孫張公約齋所著。集成於嘉定庚午。故不見收於晁氏讀書志。而陳氏書錄解題及宋史藝文志亦不詳其目。惟明文淵閣及葉氏菴竹堂書目並載南湖集五冊。其餘藏書家罕有著錄者。國朝順治己丑。慧雲住僧行盛纂輯寺志。求公詩文。渺不可得。則此集之佚信已久矣。恭遇聖天子。右文稽古。命儒臣檢集永樂大典中遺籍。彙入四庫全書。於是歷代名家詩之散見於各韻者俱得裒錄成帙。而約齋之詩始出。諸體具備。以類相從。釐爲詩九卷。詞一卷。據方萬里題詞稱其前集二十五卷。三千餘首。茲所得者計詩一千十七首。詞七十八闕。雖較方所稱僅三之一。而已燦然可觀矣。傳於武林先哲遺書頗多採輯。嚮者張助教潛亭入都。曾以搜求未備爲託。閱歲書來。以館中新得南湖集見報。未幾助教忽歸道山。繼而邵太史二雲聞之。赴官之後。亟求館中校定副本。傳鈔一編。適沈侍御蘆士南歸。寄以相示。熟復數過。見集中諸作。大半皆紀所居南湖桂隱玉照諸勝。及與同時士夫遊讌酬答之篇。公捨宅所建之慧雲寺。頽圯未盡。今過其處。水雲飛淼。菰蔣叢生。而雉堞之環列依然。禽魚之翔泳如昨。皆可因詩而想見其園居之樂也。公之事蹟散在雜說。其淡忘榮仕。具詳寺碑。而丰儀秀整。則塑像儼然。今者夏公之詩拜公之像。恍如與公晤語焉。夫公之於詩。善參活法。遠宗香山。於唐而近。則得力於誠齋。放翁諸人。誠齋至以上將目之。雖同時忌之者。謂爲將家子強吟小詩。而不能掩也。是集湮沒者六百餘載。遭逢盛世。

晦者復顯。公之厚幸。非偶然矣。謹依館閣原編。校寫既畢。偶檢志乘。補其漏佚。至於遺文逸事。與夫後人景仰題詠之作。亦輯而附焉。爰付剞劂。以廣流傳。開雕於庚子初冬。竣工於辛丑首夏。爲文告公。以志盛事。并詳其緣起於首簡云。

乾隆四十六年歲次辛丑閏夏既望鮑廷博謹識。

南湖集卷第一

秦川 張 鎡 功甫

五言古詩

雜興

聖學律萬世。玉振仍金聲。大賢務矯俗。始以和自名。智者稽所終。流弊固難行。求圓能捨規。魯男烏可輕。城河固金湯。穀帛堆丘山。雷風走號令。足以威百蠻。秦人昔恃此。燒書無愧顏。叢祠夜篝火。赤蛇先據關。誰知小國魯。抗衡齊晉間。獨能秉王禮。足以銷鄰姦。舞干服三苗。可仰其可攀。

原子何所得。所得在養心。澹然處窮閭。蓬蒿絕車音。結駟者誰子。排門願同襟。乃知能辯者。於道未爲深。日暮前道遠。紛紛倒行多。胡不秉明燭。整駕歷前坡。既衰不戒得。有如聖賢何。平公七十翁。師曠猶琢磨。管仲相齊國。童子猶羞稱。確守害霸說。三王亦可成。寸短有所長。貪賢況誠切。莫問九合功。詠此宜擊節。文仲蔽展禽。難逃竊位名。張湯法家流。推賢被嘉聲。公道日月如。無私天下行。治古本根此。所以休甲兵。嗟嗟祁大夫。舉善何其宏。曰讐吾甚惡。曰子非私情。一旦俱薦引。晉伯由此成。後世益多嫌。山林老公卿。伯牙善鼓琴。知音一子期。已得慰生平。絕弦忽復悲。深沈揚執戟。元文準伏羲。千年未願賞。豈欲求當時。泱泱古齊邦。中有秉節臣。其國不能舉。莊帥知寵珍。生不食君祿。執或去諸鄰。莫住徑絕脰。用愧軒冕人。

當年處高位。十萬當逡巡。所以休明時。朝廷足嘉賓。

善人所至處。鳳儀氣芝蘭。同德自相求。肯因休顯看。後來世道交。祇趨勢與官。廉頗共霍公。雅抱常自寬。小器酌升斗。渠寧同釜鍾。心公德始宏。一介稱能容。將軍見何卑。偏忌相如功。卓哉全璧質。懷才肯爭鋒。悔過猶可稱。服善交情終。

吳起棄骨肉。用釋魯君疑。蕭何買田宅。更要漢祖知。結繩可息爭。書契計已癡。反覆者人心。周防良足悲。曾參殺人謗。三至母信移。君臣不易逢。終始貴難離。

金珠不解憂。麴蘖堪適情。隘哉沈湘人。獨以醒自名。生居禁酒國。焉得壺觴傾。閉門求一醉。無乃干天刑。若伊曠懷襟。道在寧營營。詳觀中聖言。當與智者評。

堂隍分古始。高卑定常儀。拳拳三顧頻。未敢臣其師。至寶價婆娑。塵面誰復窺。有人果善酬。何苦不售爲。木牛流馬機。小智那足奇。甄別蘭與艾。忠誠真弗欺。功大天實吝。滯跡烏能知。臣主施報恩。足爲萬世規。有虎南山南。有石北山畔。虎石人未辨。箭發石遂貫。一朝兩生心。見石不見虎。若向虎石求。引滿徒自苦。河南牧羊兒。不識奇字書。君王事邊頭。無亦宮帑虛。慨然分家資。補國何勤渠。詎有忠於君。而謂不學歟。毋令敗羣語。繼氏果有餘。惜哉封禪主。更欲取名譽。歲晚責緣飾。宜其返田間。眞才當自重。躍冶非良金。世儒識拔鮮。志士違本心。慷慨自鋪陳。庶幾有知音。但恐北風扇。虛言難保任。快哉東方生。可喜未可欽。

聖道由書傳。棄畀火于秦。漢興反秦暴。見儒猶罵噴。董子惟有志。耿耿誰與陳。使時三策行。焉老諸侯賓。
子雲閉門學。非願雕蟲稱。於道實有省。爵位豈所營。洙泗嗟已遠。惜不偕羣英。太玄法言書。莫謂徒擬經。
漢代嘉唐虞。欲以儒理國。公孫談治道。純駁互失得。廣大語尤害。開邊心莫極。無怪淮南謀。日夜憚汲直。
東閣禮諸賢。脫粟自爲食。欲以此自文。後世有真識。

言貌難取人。宣尼竊丁寧。如何汝南許。輒擅月旦評。觀其察曹瞞。一言盡生平。勿謂鑒裁乏。一門稱弟兄。
林宗真傑士。餽墮識孟敏。初無一語交。肺腑已窺盡。人才處東京。郭許能汲引。幾時不生賢。弗遇卽泯泯。
道德釀抬紳。辟容無點塵。望之鄙客消。矧得累夕親。緬思關里化。四教隆諸身。濟濟三千徒。變蒙盡爲仁。
賢聖雖不同。氣類當等倫。叔度亦我師。千載風如新。

達士樂貧賤。本非沾激心。豈真昧生死。而計樂淺深。辛勤畢婚嫁。塵慮寧更侵。高蹤五岳遊。乘風擬相尋。
山川萬代留。人物有時盡。慷慨羊叔子。登臨重嗟憫。功名垂囊來。老去載倉困。焉有利在民。轉眄聲卽泯。
非真弔古往。借言聊自引。湛也窮其心。欲默不能忍。惜昧無去來。徒知幻與影。

征南勸業手。顧乃玩簡策。麟經日月垂。左氏實有力。爲渠作忠臣。訓議訂今昔。後來縫掖子。開卷隨有益。
果能作蹄客。此學不妨癖。

龍泉伴太阿。潛伏知幾秋。光氣不容揜。夜夜冲斗牛。一朝掘青苔。雙龍獲兼收。拭以華陰土。百神見之愁。
若使無張雷。恐非劍所羞。

天一卽生水。語性何潔清。未嘗使人貪。酌之失廉稱。夷齊素高蹈。想非常飲冰。仁鄙誠自取。處默先內明。南渡人物中。第一數安石。經營江左民。成敗固先識。苻堅擁百萬。朝野總憂色。長驅不量德。在法真餌敵。談笑付兒輩。茲豈試一擲。捷至偶折屐。胸中未易測。議者謂矯情。妄意窺悃悞。聖狂霄壤分。其端在一念。去惡向忠義。如病用良砭。方貽害於人。蛟虎竝兇饒。及其懲艾餘。大節秉無欠。卓絕補過功。炳炳照鉅槩。乃知春秋意。惡惡待終厭。實脩名自來。猶影長隨身。惑者偏忌嫉。終之反累人。況馳死後譽。何關一丘塵。所以識達早。托醉全吾真。歸興因蓴鱸。口腹何足陳。到今湖江水。秋至清粼粼。淵明膝上桐。一絲不肯挂。彈聲聒天地。無人知此話。謂琴只這是。世閒何用弦。謂在有無中。其然豈其然。太沖十年功。僅了三都賦。滂溷著紙筆。欲以疏吾句。文章流至是。已失古人步。喜怒哀樂情。一發中韶濩。不見風雅篇。豈效女功蠶。

掄才如百藥。治效各不同。儻能區別性。當聚和扁功。武德定亂後。諸公悉登庸。帝久知所長。未欲任己聰。品題資確論。毫髮無蔽蒙。三傑隆漢業。六英夾唐宗。無人可能國。我欲振古風。至藝得於天。音律誰同明。道上車鐸逢。地底黃鍾成。偉哉創業主。用才極其精。太常識斯人。吾知不負丞。勿疑貞觀間。四海幾措刑。遐想登后鑒。巍巍治難名。

馬生客新豐。悠然酌斗酒。若謂傲旁人。曠士亦何有。有志曾未識。偶與麴蘖友。異時依風雲。黃壇一回首。

照乘復垂棘。固足爲國寶。朝有宣力賢。愛惜莫草草。成湯昔在上。翦髮救枯槁。念民不念己。頃刻動穹昊。太宗療功臣。亦本爲民保。斷髮疾其愈。大勝琮璧禱。

秦王旣集統。作樂昭治功。前日威武地。今還見聲容。一時簪觀瞻。唯貪激英雄。鄭公獨俛首。孰能察聖衷。暮年伐遼東。事幾敗乃翁。良臣不在傍。有悔應無窮。唐家盛詞華。培本自武德。投戈闢文館。英士來翼翼。訪政討典墳。分夜亡倦極。當時瀛洲目。意氣寧偏仄。言詩到李杜。騷雅竝驅域。爲文至韓柳。秦漢等風力。後世不推原。第賞紙上墨。焉知昔人心。求效非頃刻。風月屬漁樵。真味豈能領。雍容補國手。斯宜理烟艇。樂天未歸時。極口獻忠鯁。十上九不行。回身避機阱。酒徒與詩伴。共煮香山茗。流傳畫九人。公貌粹而整。

秦女行

妾家秦關中。白玉爲重堂。堂前翠簾鉤。一一金鴛鴦。暖艷照綺席。新聲按笙簧。妾小不解事。戲劇珠樓旁。蜂葉搗穠杏。鶯枝蔭垂楊。阿母喜秀慧。盤絲教縫裳。年齒漸長成。自製紅襦長。弄杼織繁錦。錯綜飛鳳凰。體柔生玉膩。國色凝天香。不假粉黛妍。羞作時世妝。悅己求得逢。晨夕勞衷腸。苟合必易散。良賈宜深藏。錦池芙蓉盛開。與譚德稱。何國叔。曾無逸。王季嘉。呂浩然。張以道。小集以東坡詩細思。卻是最宜霜。

分韻得卻字

道人有園居。其門可羅爵。夫何諸賢傑。疎野盡闊略。聯鑪過柴荆。慰藉淡與泊。爾時木芙蓉。酣酣縱雲萼。

呼酒兩對之。不復次杯酌。西風吹雨小。池波晚烟闊。紅癡高髻鬆。翠閣競參錯。談叢及笑粲。大勝世俗樂。翹搖鵬鳳羣。著我慚瘦鶴。區中有此不。今古一開拓。山林豈細故。人願要天諾。侵尋霄罪舉。乃獨趨丘壑。探韻脫大巫。疾走宜退卻。簪花謝慙慙。敢避句惡弱。從今數名芳。消真屢成約。

足疾愈約客遊湖上園

平生志四方。豈願守三窟。超凌風中驥。振迅霜後鶻。無何足受濕。步履遽艱脆。投鍼痛循筋。濯藥熱透骨。重纏鞵中統。嬾顧囊內笏。長懷賂賓王。曠邁困沈泊。胸蟠經綸業。與氣共振拔。紛紛漸上旅。太半貴肥腩。儻其尚細謹。俗眼愈超忽。臨壇指醇酒。洗滌去泥濕。器宏事果遂。闊步黃金闕。宿來病殊減。砌域可蹕越。拘擘日既深。得差興尤發。湖山想貽笑。相忘兩逾月。霜花著紅小。幽香逗疎櫺。風晴春一似。攜具任倉卒。招邀二三子。才思湧難竭。卻愁費吾詩。筆端口方訥。

觀舊寫照有感

趙茂寫我真。今朝喜重見。相望十五載。容貌盡更變。恰如逢故人。省認向時面。自憐歲月去。亟若弦上箭。其閒憂與病。往往幾歷徧。寒暑外侵薄。思慮內縈纏。幻形類草木。孰能永葱蒨。髮幸纔半白。登臨未衰勦。逍遙溪復壑。安穩寢并膳。十年每一晝。能用幾何絹。會看烏帽下。滿垂銀色線。莫嫌老易來。身健儘堪羨。賴有難畫者。炎天飛雪片。浩劫且長存。那隨時序轉。

次韻清閬對月